

# Schnitzelbank 1929

## („Baselbieter-Heieri“)

1. Heieri: D'r Her President vom Komitee  
Und i — mir sy hütt eusere zwee!  
Presidänt: Haieri los, du alt Kumeedi:  
Glopf jetz nit so Sprich, so  
[bleedi!  
Beide: Mir schaffe nämlich Hand in Hand  
Fir d'Ainigung vo Stadt und Land;  
Do lyt gar mängi Frog bereit  
Wo kaini fule Witz v'rrait!
2. D'Vereinigung mueß einisch cho -  
Das gspüre n' ich im Wasser scho!  
Ich nimms in d'Händ, ich bi d'r Ma  
Wo iberall mueß d'Nase ha!  
Mir drugges trotz de Gegner dure  
Infolge unserer guete Schnurre;  
S'lyt gwis e zarte Raiz dorinn  
Wenn mir ai Härz, ai Fidle sinn!
3. Dafi kei Flieger z'Nacht verirrt  
D'r Flugplatz rot beleuchtet wird;  
Wogege n'ich d'r Mainig bi  
Säll Nachtliecht wär' nit nehtig gsi:  
S'hett Baslermischte etcetera  
Au d'„Lumpi“ sehtoht grad änedra,  
Do ka ne Flieger nit verkoh  
Är brucht jo nur däm Saugstangg noh!
4. Kaffi Spitz! - Fascischteball!  
Bolschewiggi! - Nachtkrawall!  
Do hänn d' Polizisichte z'tue  
Die plogte Lyt hänn nie kai Ruch!  
Fallt nohär ain vor Schlof schier um  
Grinst jede Dubel fräch und dumm,  
Verlaimdet gar d'r Polizisicht  
Als g'main brutal und ful wie Mischte!
5. Was isch das für e Fädervieh?  
Das will jo s'allerschönschtisy!  
Mit sym erschte Lorbeergranz  
Macht's e gschwullene Eiertanz  
Nobel kraiht äs in d'r Zytig  
Sich e Sälbtbelobigskritig,  
Gäll du scheene Liederhahn  
Hesch e glai d'r Grefewahn!
6. Im e bessere Künschtlerhus  
Stoht e schöne Rosestrauß!  
Darf me froge n'ächt vo wäm?  
Uff d'r Karte sehtoht: O. M.!  
S'Kinschtlerpaar isch hocheffrait,  
Nur — so hett d'r Maischter gsait:  
Sott die Rosesymphonie  
Nit so zämmeg'stohle sy!
7. Fräch, af wie die roti Sünd  
Chlöpft e Fahne hoch im Wind! —  
Wär holt dä Komunischtewitz?  
Wär holt dä Fahne vom Minschterspitz?  
Laidir isch halt d'Polizai  
Vo Fall zue Fall nur schwindelfrai:  
Hätt me'ne Muff zuem Fahne g'hänggt  
Jede Polyp hätt en abeglängt!
8. D'r Maxli isch e Pöschter gsi,  
Do g'raggslet är sich niene hi!  
Als Kinschtler uffem hohe Sail  
Kunnt är besser zue sym Tail!  
Doch Max v'rgiü im Iberfluß  
Nie d'r Styrefisikus  
Fritz und Bummi hindedra  
Hängget d'r suscht e Flängge n'a!
9. D'r Fritz nennt au zuem Zytvertryb  
E nobel Komunischtewyb  
Wo d'Dienschtmagd als gar liebevoll  
Familiär behandle soll!  
D'r Her Gemahl hett gsait vor Gricht:  
Ich find nyt fuuls an däre Gschicht,  
S'schtoht myner Frau doch sicher guet  
Wenn si uff russisch boxe tuet!
10. Jetz noh g'schnäll zuem Fritz und Bummi  
Z'rugg uff's Denunziere chummi:  
Jede waiß vom Denunziant  
Was är gilt im ganze Land!  
Aich gheert emol uff d' Finger glopft  
Und die wieschte Schnaigge g'schtopft —  
Doch do mueß me laider scho  
Mit eme n'Abtrittdeckel cho!